



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Militarivm Ordinvm Origines, Statvta, Symbola, Et  
Insignia, Iconibus, additis genuinis**

**Mennens, Frans**

**Maceratae, 1623**

Ordo Eqvitvm Montesiae in Regno Valentiae.

**urn:nbn:de:hbz:466:1-10718**

ORDO EQVITVM ORDO EQVITVM  
*Beatae Mariae Gloriosae*  
*apud Italos.* *Montesia in Regno*  
*Valentia.*

**F**Verunt & alia Equeſtria ornamen-  
 ta apud alias orbis Chriſtiani na-  
 tiones excogitata; vti Ordo militaris  
 titulo *ſanctae Mariae Glorioſae*: ad paci-  
 ficandas Italiae ciuitates, Anno ferè  
 1233. excitatus eſt, auctore *Bartho-  
 lomaeo Vicentino* Ordinis Prædicato-  
 rii eius poſtea vrbis Epifcopo. Quod  
 inſtitutum Vrbanus IV. Papa circa  
 Ann. 1262. adprobauit: leges verò  
 attulit *Rufinus Gurgo*, Placētinus Pon-  
 tificis Poenitentiaris, quas ſcripſe-  
 rant huic ordini ſeſe dicantes viri ali-  
 quot, diuitijs, ac nobilitate præſtantes  
*Catellanus, Malanolta, Loderengus An-  
 dalus Gruamons, Caccianimicus, &  
 Hugolinus Lambertinus Bononiensēs.*  
*Selania Liazarus Regienſis, & Ruine-  
 rus Adelardus Mutinenſis.* Erant au-  
 tem itæ, vt tunicam albam, & ſubci-  
 nericiam togam induti, Crucem pur-  
 puream in campo albo duabus ſupra-  
 poſitis ſtellis, præferrent: vtque vi-  
 duarum, & pupillorum tutelam ſu-  
 ſciperent, parique, & concordiae inter  
 homines conciliandae ſtuderent  
*Franciſcus Sanſouinus* iſdem Cru-  
 cem rubeam cum limbo aureo in  
 pectore attribuit. Quoniam autem  
 ſuis quiſque in ædibus cum vxoribus,  
 & filijs vitam agebat, vulgò *Frateres*  
*gaudentes* vocati ſunt, vt *Ioannes Vil-  
 larius*, & *Salimbenus* in ſuis chroni-  
 cis prodiderunt. Huius ordinis pri-  
 mus magiſter ipſe *Loderengus* eſt con-  
 ſtitutus, vir multis nominibus laudan-  
 dus, hæc ferè *Carolus Sigonius*, *Lib.*  
*17. & 19. de Regno Italiae* Floret hodieq;  
 militare hoc inſtitutum Bono-  
 niae, Mutinaeque, & in alijs Ita-  
 liae ciuitatibus ſub titulo

*S. Mariae matris Domini*  
 vt tradit P. Be-  
 loijus  
 ſcriptor modernus  
 ap. 18.



**T**emplarij ordinis theſaurum,  
 foecundam quaſi aliorum or-  
 dinum extiſſe matriculam,  
 tradunt auctores Hiſpani, cum maxi-  
 mè *Gonſaluus Argotes de Molina*, &  
*Gonſaluus Illeſcas* in hiſtoria ſua  
 Pontificali, qui à *Ioanne XXII.* Pon-  
 tificatus ſui Anno III. nati, Chriſti  
 1317. rogatu *Iacobi II.* Aragoniae, &  
 Valentiae Regis, collegium militum  
 Montesia, quod oppidum ſedem præ-  
 cipuam, & nomen ijs dedit, inſtaura-  
 tum produit. Templarijs enim ad  
 immenſas opes euectis, & vno omnes  
 tempore ad internecionem ferè dele-  
 tis, varijs hinc inde ſocietatibus natis  
 ex horum patrimonio proſpectum, &  
 ſicut in Gallijs, & alibi in locum, &  
 opes ferè eorum ſucceſerunt Meli-  
 tentes; ita in regno Valentino ordo  
 Montesia, in Luſitaniae Chriſti, ſub  
 idem ferè tempus exortus. Calatra-  
 uenſibus quidem Montesia per ini-  
 tia ſubiecti, proprio tamen Magiſtro  
*Guilielmo Erilio* ordinis primo in  
 Conuentu *Sactae Mariae*, & *S. Georgij*  
 conſtituto, vt *Hier. Curita* teſtatur  
 gauifi ſunt: Habitu candido iuxta  
*D. Benedicti* normam Cruce rubra  
 ſimplici plenaque in veſte candida;  
 & prædijs, (quæ templarij eo in tra-  
 ctu obtinuerat) adſcriptis, quæ omnia

*Lib. 1. c. 38*  
*Lib. 2.*

*Ebovenſes*  
*Equites.*

Be-

Benedictus XIII. & Martinus V. tabulis suis confirmarunt Censu isto Equites, etsi cæteris impares, virtute certè bellica aduersus Mauros littora Valentina infestantes, non inferiores existere, castitatemque omnes profectos ad sua vsque tempora adfirmat Hier. Romanus. Primusque qui illum infregit, fuit Cæsar Borgia Magister ordinis XI. Summis Pontificibus certas ob causas indulgentibus. Solet autem, vt idem Romanus ait, Magister Ordinis, decori, & prærogatiuæ augendæ: Crucem quidem rubeam in veste, sed maiorem certis ad brachia punctis distinctam: ipsum verò collegium in vexillis militaribus Cruces viridi nigroque colore exornatas præferre, etsi in clypeis aureis simplicem, & planam illam Crucem retinere conspiciatur.

Io. Azorius  
lib. 13. c. 3.  
4. 5.

Insignia  
Magistri  
Ordinis.

EQVITVM CHRISTI ORDO  
apud Lusitanos.



Dionysius cognomento Perioca Portugallie Rex, Alfonsi X. Castellæ Legionisque Regis nepos, nouam militiam De Portugallo vulgò nuncupatam, & cui à Christo nomen est, eoque regni hodie nobilissimam, & Cruce rubra alia candida interfecante distinctam, in atro amictu constituit. Ioannes verò XXII. Papa D. Benedicti regulam an. 1320. præscripsit, Legesque quibus sub Christo militare tenerentur, conditas,

Insigne Equitum Christi.

1320.

vulgari postea Lusitanorum lingua, cum reliquis ordinis priuilegijs edit Dominus Damianus Conuentus Tomariensis Prior & eiusdem ordinis Præfectus generalis. Primò autem Equitum Magistro Ægidio Martino, Auiforum quondam instituti militi ad Castrum Marinum, Eluenfis diocesis oppidum sedes attributa; exinde Tomarium migratum, militibusque omnia bona Templariorum nuper sublato annuente Rege, & Pontifice, quò liberius militiae Christi contra Mauros Beticam incolentes vacare possent cessere. Quorum incredibilem virtute factum, vt Lusitanorum imperium in Oriete fundatum, omnes prouinciæ, & oppida, tam in Asia, Africa, Brasilia, & alijs Occidentis partibus (quo nomine Reges Portugallie Sphæram in insignibus prætendunt, vt regum suum in quatuor orbis angulos extendi significant) Christiano nomini acquisita, & huic ordini annexa, Magistrum vestigal quotannis centum aureorum millibus auerent. Is quotiescunque ordo moderatore, & Præfecto careret, à tredecim præcipuis Equitibus electus cõscribendi, & exauctorandi milites facultatem habebat, quousque magisterium ordinis perpetuo iure ad ipsos Lusitanie Reges, & successores; adeoque ad ipsum Philippum III. Hispaniarum Regem aucturitate delatum. Militibus porro Alexandrum VI. P. M. potestatem ducendi uxores concessisse scribit Hieron. Conestagius in tractatu suo de Portugallie coniunctione cum regno Castellæ.

Hier. Osor.  
li. 1. de reb.  
Emanuel.

Phil. Bergom.  
li. 13.

MILITIA BANDA,  
& Scamæ apud Hispanos, &  
Calza apud Venetos.

Obtinuit, & olim mos in Hispania inter Equites tyrones vigilandi, antequam ad id dignitatis cooptarentur; vti testatur Hieronymus Romanus, de institutione militum Banda, ab Alfonsio XI. Castellæ Rege

G in